



Bosna i Hercegovina
Federacija Bosne i Hercegovine
Kanton Sarajevo – Grad Sarajevo
OPĆINA CENTAR SARAJEVO
OPĆINSKI NAČELNIK

Broj: 02-11-5673-3/20
Datum: _____, godine
20-01-2021

Na osnovu člana 69. stav (3) Zakona o javnim nabavkama Bosne i Hercegovine ("Službeni glasnik BiH", br. 39/14) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a u skladu sa zahtjevom Službe za civilnu zaštitu i mjesne zajednice broj: 11/A-40-sl/21 od 05.01.2021.godine, u postupku javne nabavke zaštitnih maski, dezinfekcionih sredstava i beskontaktnih toplomjera za potrebe osnovnih škola na području Općine Centar za **LOT 2 – nabavka beskontaktnih toplomjera**, putem otvorenog postupka, Općinski načelnik d o n o s i:

ODLUKU
o otkazivanju postupka javne nabavke

I

Otkazuje se postupak javne nabavke zaštitnih maski, dezinfekcionih sredstava i beskontaktnih toplomjera za potrebe osnovnih škola na području Općine Centar za **LOT 2 – nabavka beskontaktnih toplomjera**, putem otvorenog postupka, odnosno poništava se Odluka o izboru najpovoljnijeg ponuđača broj: 02-11-5673-2/20 od 30.10.2020.godine.

II

Postupak javne nabavke zaštitnih maski, dezinfekcionih sredstava i beskontaktnih toplomjera za potrebe osnovnih škola na području Općine Centar za **LOT 2 – nabavka beskontaktnih toplomjera**, otkazuje se u skladu sa članom 69. stav (3), zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke. Naime, nakon otvaranja ponuda za predmetnu nabavku, te trajanje žalbenog roka na Odluku o izboru najpovoljnijeg ponuđača, prestala je potreba za nabavkom beskontaktnih toplomjera za osnovne škole. Na osnovu pismene obavijesti Službe za civilnu zaštitu i mjesne zajednice od 05.01.2021.godine, beskontaktni toplomjeri su dodjeljeni iz ranije nabavljene količina predmetne robe.

III

U skladu sa članom 70. Stav (6) Zakona, Općina Centar Sarajevo, kao Ugovorni organ će ovu Odluku objaviti na svojoj internet stranici: www.centar.ba, te će se Obavještenje o poništenju javne nabavke objaviti na Portalu javnih nabavki.

IV

Ova Odluka će se dostaviti učesniku u postupku javne nabavke.

O b r a z l o ž e n j e

Postupak javne nabavke zaštitnih maski, dezinfekcionih sredstava i beskontaktnih toplomjera za potrebe osnovnih škola na području Općine Centar za LOT 2 – nabavka beskontaktnih toplomjera, pokrenut je Posebnom odlukom o pokretanju broj: 02-11-5673/20 od 05.10.2020.godine. Procijenjena vrijednost javne nabavke bez PDV-a za LOT 2 - Nabavka beskontaktnih toplomjera je 3.000,00 KM.

Nabavka je pokrenuta putem otvorenog postupka, sa utvrđenim kriterijem „ekonomski najpovoljnija ponuda“ 1. Cijena 80% i 2. Rok isporuke 20%.

Obavještenje o nabavci broj: 848-7-1-110-3-91/20, objavljeno je na Portalu javnih nabavki dana 29.05.2020.godine, a postupak je podijeljen na lotove.

Nakon izvršenog izbora najpovoljnijeg ponuđača, donesena je Odluka o izboru najpovoljnijeg ponuđača „R & S“ d.o.o. Sarajevo broj: 02-11-5673-2/20 od 30.10.2020.godine. Na Odluku o izboru najpovoljnijeg ponuđača izjavljena je žalba jednog od ponuđača u postupku. U skladu sa izjavljenom žalbom, donijeta je Odluka o obustavi postupka do momenta rješavanja žalbe. Ugovorni organ je na prijedlog Komisije za nabavku roba, vršenje usluga i izvođenje radova I, dostavio Uredu za razmatranje žalbi BiH Filijala/Podružnica Mostar izjašnjenje na žalbu kao neosnovanu u cijelosti sa kompletnom dokumentacijom. Dana 31.12.2020.godine, Ugovornom organu dostavljeno je Rješenje Ureda za razmatranje žalbi BiH, Filijala/Podružnica Mostar o odbijanju žalbe kao neosnovan. Svim učesnicima u postupku je dostavljeno navedeno rješenje. Služba za civilnu zaštitu i mjesne zajednice je na osnovu pismene obavijesti o okončanju žalbenog postupka za LOT 2 dostavio obavijest da je prestala potreba za predmetnom nabavkom, iz razloga što su beskontaktni toplomjeri dodjeljeni iz ranije nabavljene količina predmetne robe. Obzirom da je postupak predmetne nabavke duže trajalo od predviđenog roka za podjelu beskontaktnih toplomjera osnovnim školama na području Općine Centar, podjela istih je izvršena iz ranije nabavljenih količina ove robe.

Kako je iz navedenog prestala potreba za nabavkom beskontaktnih toplomjera za potrebe osnovnih škola na području Općine Centar, postupak predmetne nabavke se otkazuje u skladu sa članom 69. stav (3), zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Ugovorni organ, na osnovu dokazivih razloga otkazuje predmetnu nabavku, jer se novonastala situacija nije mogla predvidjeti u vrijeme pokretanje postupka ove javne nabavke.

Kako su kumulativno ispunjeni uslovi za otkazivanje postupka predmetne javne nabavke, postupak se otkazuje, te će učesnik u postupku javne nabavke biće obaviješteni o istom.

Iz navedenih razloga, primjenom člana 69. stav (3) Zakona o javnim nabavkama („Službeni glasnik BiH“, broj 39/14), odlučeno je kao u dispozitivu ove odluke.

Pouka o pravnom lijeku: Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke shodno članu 101. Zakona.



Dostaviti:

1. Ponuđaču „R & S“ d.o.o. Sarajevo
Ul. Igmanska bb 71 320 Vogošća,
2. Svim ponuđačima u postupku javne nabavke,
3. Službi za javne nabavke, zajedničke poslove
i informatiku,
4. Službi za civilnu zaštitu i mjesne zajednice,
5. Arhivi.